

DISSERTATIO PHYSIOLOGICO-
MEDICA INAUGURALIS,
DE
VI ET EFFECTU ARTERIARUM IN
FLUIDA CONTENTA.

QUAM

ANNUENTE DEO TER OPT. MAX.

Ex Auctoritate MAGNIFICI RECTORIS,

D. A N D R E Æ W E I S ,

PHILOSOPHIÆ ET JURIS UTRIUSQUE DOCTORIS, NEC
NON JURIS PUBLICI ET PRIVATI IN ACADEMIA
LUGDUNO-BATAVA PROFESSORIS ORDINARI.

NEC NON

*Amplissimi SENATUS ACADEMICI Consensu,
& Nobilissimæ FACULTATIS MEDICÆ Decreto,*

PRO GRADU DOCTORATUS

Summisque in MEDICINA honoribus & Privilegiis,
rite ac legitime consequendis,

Publico ac solemni examini submittit

JOHANNES HIDDINGA, HAGA BATAVUS.

Ad diem 30. Martii 1753. vera locoque solitis.



LUGDUNI BATAVORUM,
Apud NICOLAUM MOENS, 1753.

V I R O

I N T E G E R R I M O

HENRICO AB AMYDE,

MERCATORI APUD HAGANOS VIGILANTIS-
SIMO, VITRICO SUO HONORATISSIMO,
AD ROGUM USQUE COLENDO.

*Hasce studiorum suorum pri-
mitias, ea qua par est
reverentia*

D. D. D.

JOHANNES HIDDINGA.

A U C T O R.

THE HISTORY OF THE
CITY OF LONDON

FROM THE FOUNDATION
TO THE PRESENT
BY JOHN STOW

THE HISTORY OF THE
CITY OF LONDON
BY JOHN STOW

THE HISTORY OF THE
CITY OF LONDON
BY JOHN STOW




DISSERTATIO PHYSIOLOGICO-
MEDICA INAUGURALIS,

DE

VI ET EFFECTU ARTERIARUM
IN FLUIDA CONTENTA.

*Conare ut te naturalem medicum exhibeas, ad
hominis habitum & vires respiciendo: Horum
enim nullus temere & inconsiderate aliquid agit:*
HIPPOC. Lib. de Ster. f. 5.

§. I.



ctiones principes in corpore humano
exercentur per motum humorum in
vasis suis, perque horum renixum
in illos, jam olim HIPPOCRATI, GA-
LENO, aliisque medicis, & philoso-
phis, licet obscure, cognitum fuisse,
monumenta ab iis posteritati relictæ
satis evincunt. Severitate ratiocinii
ab iis, quæ sensibus perceperant, rei
veritatem in genere assecuti sunt. Principia demonstrandi
ipsis erant pauca, clara, certa, nempe.

A 3

Ic. Quid

- 1°. Quidquid movetur, movetur ab alio.
- 2°. Nulla mutatio sine motu.
- 3°. Causa efficiens non ingreditur constitutionem effectus, excepta natura.
- 4°. Natura est principium motus & quietis. Hæc individualis seu totius seu partis, sui conservatrix, genitrix, & multiplicatrix. Hæc dum in corpora apta juxta posita agit, se per ea defendendo, talia efficit qualis ipsa est.

Ex his principiis ita eos ratiocinatos fuisse patet. V. G. arteria alterne attollitur: ergo a causa ipsi inhærente, quæ adesse & abesse potest, hoc phænomenon *Diaστολην* vocarunt. Hæc eadem alterne subsidet, in statum naturalem sese restituit; vis hæc ab ea inseparabilis, quousque genium servat, quod *Systolen* dixerunt. Fluidum per corpus universum movetur, resistentias superat; sic & contenta in primis viis, secundum naturam in vivente contractis, præcipue in colo, magna mole, contra propriam gravitatem sursum ab osse ileo dextro versus pylorum aguntur; ipsis contentis causa sui movens non inest, sed vasis in quibus moventur. Alimenta mutantur in chylum, sanguinem, succum nutritium, humores secretorios; fiunt inde partes firmæ, non modo figura, magnitudine, sed & natura diversæ. Vis hæc mutatrix, assimilatrix, non inest alimentis (hæc modo, nisi eorum in nostras partes fiat conversio, suam naturam sequuntur) sed partibus in quibus per motus mutationem assimilatio fit. *Conf. Num. 3. & 4.* Quum nunc solida moveantur a fluidis & vicissim fluida a solidis, patet causas motrices a se invicem dependere. Dependenciam hanc *Harmoniam* vocarunt veteres. Mutationes in morbis ex allegatis quatuor principiis quam felicissime deduxerunt; verum ob defectum anatomies subtilioris, eorum temporibus nondum cognitæ, causas motrices in specie, minus adhuc individuales, assequi poterant. Errores ut evitarent, juxta observata artem exercuerunt; imprimis HIPPOCRAT., cujus casta *Empyria*, uti ab omni ævo stetit, ita non corrumpet.

ruet. Naturam ipsam cujus opera & effecta sollicitè observavit, *morborem medicatricem* vocat; ipsa autem opera & effecta simul sumpta nomine *vitæ* salutantur. Sola effecta seu functiones nomine *virium* donantur. Conf. Boerb. Inst. §. 1075. & seq. Ubi vero HIPPOCRAT. ipse, ex positis a se principiis nempe *pituita*, & *bile* ratiocinia seu causas morborum deducit, subinde humanum quid commisit, uti patet in variis locis. In *ventriculum* autem etiam *potus* fertur, (recte) quo cum expletus fuerit ab eo *lien* recipit, & ad *venas* & *omentum* transmittit, & ad *declive* deorsum ad *scrotum* ad *crura*, & ad *pedes* demittit. Cumque morbus supervenerit multa aquæ accessio fit ex *ventriculo*, ubi quis biberit, & semper ad *lienem* fertur. In hoc autem morbo contingit, ut non alia de causa in *ventriculo* febris excitetur, quam cum quis sitierit; vesica vero & *ventriculus* non recte transmittent, neque conveniente victus ratione homo utatur. *Lien* vero aliquantum ægrotans potum ex *ventriculo* trahit &c. Lib. IV. S. 5. de morbis & Lib. de affectionib. S. 5. hæc habentur: *Lepra*, *prurigo*, *scabies*, *impetigines*, *vitiligo*, & *alopecie* ex *pituita* oriuntur. Sunt autem ista *fæditas* potius quam morbi *favus*, *struma*, *phygethla*, *furunculi* & *carbunculus* ex *pituita* oriuntur. Hæc modernæ praxi, rationibus vere physicis suffultæ, illa anatomie adversantur. Hæc adducere coactus, ne mihi quis objiciat ab HIPPOCRATE recedendum non esse, eo quod asseruerim, castam ejus *Empyriam* sibi perpetuo constituram. Quæ recte ab eo scripta sunt, grato animo, ut optima agnosco, & quantum in me est imitabor, aliorum defectus recensendo, nil proficior; recte facta imitando, plurimum. ita l. c. Cum vero ad ægrotum perveneris, quænam patiatur, & quanam ex causa interrogandum, & ex quot jam diebus, an etiam venter demittat, ac quanam victus ratione homo utatur. (Hæc ut præcepta veneror.) Imprimisque in considerationem adhibendum, num morbus ex *bile* aut *pituita*, vel ab utrisque, ortus sit, probeque nosse convenit; quod ex horum alterutro, aut utrisque, originem ut habeat, necesse est. Eundem *pituitæ* & *bilis* conceptum me non habere ac forte magnus Vir habuit candide fateor; hinc sententiam hanc amplecti

amplecti non possum, alia ex cognita partium natura edoctus: partes siquidem fluidæ peccant copia, qualitate, loco & motu; firmæ cohæsiōe excedente, aut deficiente &c.

§. I I.

Transeō ad CLAUDIUM GALENUM de quo BOERHAVIUS *Inst.* §. 14. non modo magnus hic Vir *motum humorum* in vasis & renixum in illos agnovit; verum ratiocinio & experimentis institutis asseruit, venas & arterias in ultimis ramulis sibi continuari, humores communicari; non autem determinavit, an ex arteriis transeant in venas, aut vice versa ex venis in arterias, quod tamen ignorasse non videtur; novit siquidem in sanguinis missione in vena instituta, infra ligaturam, sive inter eam & extremitatem, venam esse aperiendam: contrarium in arteriotome, unde concludendum cognitum ei fuisse *motum sanguinis* ex corde per arterias in venas, & reditum ejus per venas ad cor, cujus absolutam doctrinam experimentis, in animalibus vivis captis, dedit immortalis HARVÆUS, quam in homine obtinere, non modo ex fabrica cordis, qua ex cava in pulmonem, ex hoc in aortam sanguini via patet, regressus nullus, ex situ valvularum semilunarium iuxta cor in arteria pulmonali & aorta, valvulisque in venis ultro colligitur; verum etiam artificialis impletio evidenter evincit. *Conf.* HARVÆUM. BOERH. *Inst.* §. 136. &c., & inventa recentiorum; aut ipse, ut feci; experimenta instituendo, eorum vestigia preme. Sententiam vero GALENI, quum compendiosa sit, & cultum anatomiae præ se ferat, ex epistola WALÆI, de *motu chyli*, operibus BARTHOLINI adnexa, sistere visum est, ubi ex GALENO de *usu pulsus* C. 5. sequentia habentur. *Arteriarum venarumque synastomoses sensum nostrum effugiunt, unde si ipsis seu parum constantibus merito fidem abroges, per alia certe, quæ veteribus sunt prodita, eas esse credas, neque in postremis ex hac rei evidentia, si quis namque accepto animali quovis ex iis,*
qui-

quibus amplæ manifestæque venæ & arteriæ sunt, veluti bove, sue, asino, equo, ove, urso, simia, pardali, homine ipso, vel similibus aliquo, magnas multasque illi arterias vulneret, universum animalis sanguinem per eas exhauriet. Hujus rei periculum subinde fecimus, & cum semper vacuatas cum arteriis venas deprehendissemus, verum esse dogma de communibus arteriarum & venarum osculis, & communi de una in alteram transitu nobis persuasimus. Reliqua veterum ratiocinia, dicta epistola allegata, B. L. perpendenda relinquimus.

Propositus in hac Dissertatione scopus est investigare, detegere & demonstrare, quinam effectus ex mutua causarum motricium tam fluidis, quam firmis inexistentium actione resultent, ad vitam sanam conservandam, causas morborum indefinenter nascentes subigendas, separandas, eliminandasque. Scopum hunc ut assequamur, ipsa arteriarum fabrica, decursus, distributio, fluidi contenti motu natura, genesis diversique ordines nobis fundamento erunt, quo innixi certiora, quam veteres his magnam partem destituti, nos demonstraturos confidimus; præcipua monumenta veterum §. I. No. 1. 2. 3. 4. recentiorum inventis & solide demonstratis componendo, ex corde initium ducendo. Quum vero objectum nimis amplum sit, *Arterias* modo exponemus.

§. I I I.

Illud vas magnum, ex corde sinistro ortum, ramosum, per omnes corporis partes distributum, *arteria aortæ*, medicis audit, alterum juxta *aortam* positum ex dextro corde emergens mox per pulmones diffusum, *arteria pulmonalis* dicitur. Hæc pulmoni quidem propria est, nihilominus communicat frequentibus anastomosibus cum ramis arteriæ bronchialis, quæ est propago ipsius *aortæ*. Eadem in genere utrique est fabrica, distributio, usus idem. Aorta vero nonnihil solidior, firmior, magis elastica, utraque in decursu extenuatur, soliditas,
B elastica-

elasticitas, capacitas versus fines ultimos adeo imminuitur, ut sensum nudum, imo oculum armatum, effugiant, saltem, quos tertii, aut quarti ordinis vocant, Anatomici, de quibus suo loco.

Nulla autem ratio sufficiens statuendi quandam membranam, sive exteriorem, sive intermediam, sive interiorem, in decursu aut ingressu in viscera deficere. De membranis constituentibus mihi sermo est, ita ut, quæ de maxima, quoad fabricam dicemus, de minimis intelligenda velimus. Eadem in venis, ex finibus articularum continuatis, ramisque ductuum excretoriorum, ratio. Definitio sequens esto.

§. I V.

Arteria est canalis membranaceus, elasticus, conoideus, alterna systole & diastole sanguini a corde ad partes exteriores devehendo, mutando, characterem vitalem imprimendo, in elementa separando, secernendo, destinatus.

§. V.

Arteria major, V. G. segmentum *Aortæ* juxta cor excissæ, hominis adulti examini subiectum, tribus proprie observatur constare membranis; quarum media est muscularis, quæ præcipue conficit corpus, & basin; hæc reliquis crassior, magis elastica, in plures lamellas divisibilis, omnes orbiculari sectione separabiles, nulla longitudinali; quod videtur satis indicare, eam ex fibris orbicularibus constare; Hæ vero perfectos circulos non conficiunt, sive principia finibus non inferuntur, sed parallelo quodammodo ductu sibi commiscentur, fines inter principia excurrunt, non habent unam zonam pro basi, verum in diversis arteriæ punctis oriuntur, terminanturque. Quando in lamellas muscularis hæc membrana dividitur, apparet in utraque superficie tomentum lanuginosum; sunt modo fibræ connectentes, disruptæ, ex
una

una lamella in alteram continuatæ; quantum oculo armato detegere potui. Huic membranæ propria illa vis elastica *diastolica* & *systolica*. Interna est tenuis, continua, nullam ex fibris texturam præ se ferens, nec vasis distincta; est de natura cuticulæ, videtur muscularis concavo adducta esse ad glabritiem conciliandam, propellendis fluidis adeo necessariam. In senio subinde in speciem unguis indurescit. Quidam, fulcis longitudinalibus decepti, eos pro fibris habuere. Extima est *nervea*, vasculis omnis ordinis & generis, quæ in decursu a vicinis accipit, & iis impertit, ditissima; quorum nonnulla musculari immersa, evanescent. Videntur autem quam plurima ad internam pertingere, scopo nutritionis & irritabilitatis, a blandis inæqualiter motis, item spirituosius acribus &c. in actum deducendæ. Huic accedit substantia illa rara, membrana *cellulosa* dicta, cujus ope arteria laxè vicinis adnectitur, ne motu diastolico, & systolico situm mutaret. Hæc rore lubricante, indefinenter renovato, irrigua, quem arteriæ exhalant, venæ resorbent, plus minus, prout subjectum vividis succis plus minus turgidum. In hac membrana a quibusdam *cellulæ* statuuntur, nullo experimento demonstratæ, gratis conceptæ.

Quæri posset, quid has tres arteriæ membranas conectat? Quidam interponunt membranam *cellularem*; verum gratis, quantum armato oculo videri licuit: sunt modo fibrillæ ex una membrana alteri & vice versa insertæ.

§. V I.

De divisione arteriæ hoc loco dicendum esset, verum quum divisioni elementorum massam vitalis fluidi constituentium accommodatæ sint, de iis quædam præmittenda esse censui.

§. VII.

Arterias irritabilitate gaudere nullus inficias ibit, sed an vero sensu gaudeant disputatur apud BARTHOL. *Lib. 2. de arteriis* Pag. mihi 650. hæc habentur; *Membrana, uti venæ cinguntur aliquando crassa & communi a vicinis partibus, quando sunt extra viscera & musculos, & tales arteriæ, quæ adjunctam habent membranam nervos recipientem sentiunt, unde GALENUS ait, pulsum inflammari item sentire, atque dolere arteriam, quod in interiori expertus est quidam Patavii, qui ingenti circa lumbos dolore defunctus, lapides instar unguis in arteriis lumbaribus condebat. Aliæ vero arteriæ sensu carent.* Nervis sentientibus affectis oriri dolorem certum quidem est, an vero arteriæ iis extra viscera præditæ intra ea destitutæ sint, item an lapides isti unguiformes fuerint causa doloris istius, nervos arteriæ sentientes afficiendo, an partes vicinæ inde tensæ dolorem produxerint, ego non determino. Experimentis in brutis vivis institutis, quid rei sit, innotescere poterit. Nervi; uti alia vasa, membranis immerguntur, eos ad cavum penetrare probabile admodum est, si non ad sensum saltem ad irritabilitatem; nisi hoc concedatur, explicari nequit, cur potentia calida assumpta ut vinum &c. motum circulatorium augeant.

§. VIII.

Massam vitalis fluidi medici vocant fluidum illud rubrum per vasa & viscera motum circulum obiens, vocatur vulgo sanguis; Cruor quando e vasis est effusus. Si guttula hujus fluidi e corpore vegeto recens educti oculo armato examinatur,prehenditur in ea motus intestinalis; sive agitatio molecularum minimarum salientium, huc illuc motarum, jucundissimo spectaculo; Vidi eodem caloris gradu, ex diversis hominibus, citius in aliis evanescere, in aliis tardius. Quin in eodem homine certa
motus

motus intestini, in guttula educta, duratio non est; differt pro ratione sex rerum non naturalium. Ex his saltem intelligimus, sanitatem hominis, viribus Universi expositam, constantem esse non posse.

§. I X.

Elementa hujus fluidi, alia statuta sunt a veteribus, alia a recentioribus. Sententiæ veterum discrepant, alia posuit HIPPOCRATES, alia GALENUS, alia Chemici; neque hi inter se conveniunt: alii salem, sulphur, & mercurium auctore BASILIO VALENTINO, alii aleali & acidum posuerunt, quæ omnia recensere, nimis longum foret, nec scopus exigit, quum ex iis vires vasorum in fluida neutiquam explicari possint; si quis tamen eorum asserta noverit, & cum elementis recentiorum confert, facile judicabit, quid veri, boni, utilis, ad cognoscendos & curandos morbos subsit, ut unum ex HIPPOCRATE adferam, videtur ita ratiocinatus fuisse. Corpus constat, quibus nutritur, quod BOERHAVIUS pro axiomate assumpsit §. 1086. N. 4. insunt alimentis amarum, falsum, acidum, insipidum, quæ, miscela convenienti temperata, non lædunt; verum si aliis liberata, sui juris facta ad extremum perducta, læsionem inferunt. *Conf. Lib. de prisca medicina*; item; *Lib. 4. Sect. 5. de morbis*, Ubi cerebrum ex alimentis glutinosi pituitam, hepar ex amaris bilem, lienem ex aquosis aquam attrahere asseritur, & sic temperiem pituitæ & bilis mutari & morbos oriri. Confirmat hoc ulterius dogma *Lib. de affection. Sect. 5. Morbos omnes* (inquit) *hominibus ex bile & pituita oriuntur. Bilis autem & pituita morbos excitant, cum in corpore supra modum vel resiccantur vel humectantur, vel incalescunt, vel refrigerantur. Hæc vero pituitæ & bili contingunt ex cibis & potibus, laboribus, vulneribus, odoratu, auditu, visu, calore & frigore. Eveniunt autem, cum ex dictis quæque vel non convenienti tempore corpori admoventur, aut non pro consuetudine, aut copiosiora, & valentiora, aut pauciora, & imbecilliora. Ac ex*

his quidem morbi omnes hominibus oriuntur. Ex his satis patet magnum virum ex natura alimentorum ad naturam sanguinis conclusisse. *Bilem* autem & *Pituitam* pro elementis non assumpsit. Verum si fiat commixtorum divortium, corruptione quacunque causa inducta, tum aut *bilem* aut *pituitam* nasci, causas morborum fieri asserit. Sic sanguinem spissum, dissipatis subtilioribus, *bilem atram*, omnia colorata vomitu, aut alvo rejecta, *bilem flavam*, *viridem* &c. vocavit. *Conf. Inst. BOERHAVII §. 746. 757. 766. 768. 772.* Item *aphor. de cogn. & curand. morb. §. 1092, & seq.* Hæc omnia naturæ judicio suffulta esse constabit ex iis, quæ de fluidorum elementis, armato oculo in vivente fano quovis casu & tempore repertis, dicuntur.

§. X.

Sanguis in vasis majoribus tam venosis quam arteriosis refert speciem liquidi rubri ad sensum homogenei; ut apparet in effluente e vase inciso. Eum per vasa moveri, non modo ratiocinio, verum etiam experimentis *Harvæanis* & microscopio constat, dum in parte tenui animalis vivi, ut alis *vespertilionum*, lustratur; ubi non tantum *motus*, sed etiam *partes* magnitudine, & calore diversæ deprehenduntur. Has differentias primus *LEEUWENHOEKIUS* detexit, ut patet ex *epistola ad HEINSIUM* data, Pag. 48. & in alia ad Societat. Londin.; quas omnis posteritas cum oblectamento leget, observavit globulos rubros omnium maximos, dein flavos rubris sextuplo minores, qui in fluido pellucido innatabant, hoc fluidum pellucidum diversis partibus constare, ope caloris innotescit, nempe ex concrescibili & subtiliori, quæ leni calore in auras evanescit; nam calore vix superante naturalem, in apposito alembico, colligi potest; odoris est reficientis: cætera cum aqua pura habet communia, quantum visu & gustu discernere licet. Latet tamen in eo character vitalis & materia proxima nutriens, minima corporis vasa & poros penetrans. Ejusmodi

modi fluidum subesse veteres subolfecerunt, licet determinare non potuerint; a quibus ros, gluten, & Cambium dictum. *Vide Sennerti Inst. Med. L. 1. C. 9.* ab hoc fluido non modo nutritionem pendere arbitrati sunt, verum quoque omnes secretorios mucum narium, primarum viarum, asperæ arteriæ, cerumen aurium, lubricans juncturas, bilem &c. ab eo derivari. *Arnoldus de Villa Nova* humidum radicale caloris vitalis subjectum fluidum hoc vocat. *Conf. dictum. auct. de humido radicali & calido innato.* Crebriores arteriarum pulsus, febrim notare præsentem, ipsis veteribus medicis constitit, hujus gradum, illorum numero & magnitudine, definiri docuere, hinc aucto naturali calido absumi radicale humidum, unde ipsi vitæ periculum instare, pro variato gradu, diversum. *Boerb. Tom. I. Chem. Pag. 85.* quando illud subtile fluidum convertitur in mucum morbosum *Hippocrates Glischron* appellavit, *de febr. L. 4. Epid. 22.* nam γλισχεὶς lentum, viscosum, glutinosum significat, id quoque oritur ab alimentis viscosis, farinosis, non fermentatis. *Conf. BOERH. Inst. §. 764. & HIPPOCRAT. Lib. 4. S. 5.*

§. X I.

Quatuor igitur differentiæ statuuntur a recentioribus nempe 1°. Globuli rubri omnium maximi, inter se magnitudine pares, aut saltem sensibilibus non differentes. 2°. Globuli serosi flavi rubris sextuplo minores juxta supputationem LEEUWENHOEKII 3°. Lympha concrescibilis pellucida, 4°. Fluidum subtilissimum leni calore avolans; hocce fluidum ex partibus mobilitate & subtilitate differentibus certo constat; subtilissimum videtur per nervos moveri.

§. X I I.

Dictis humorum elementis vasa accommodavit natura, quæ alia ex aliis produxit, ut tam minima insensibilia,
quam

quam maxima sensibus obvia fervarentur irriguâ, reficeretur attritu deficiens, eliminaretur detritum, aliaque noxia. Horum omnium vigor *sanitas* dicitur, quæ est complementum caufarum, tam fluidis inquilinis, quam firmis inexistentium, & effectuum, ex mutua actione, & reactione resultantium; quæ, si ponitur perfecta, subiectum suum indefinenter destruit, & reparat. *Vide BOERHAV. Inst. §. 1019. & seq.* Hæc non est tantum aptitudo ad agendum, verum & causa motrix partium tam firmarum, quam fluidarum. His præmissis ad divisionem arteriarum progredior.

§. XII I.

Aorta e corde emergens. 1°. Emittit *coronarias*; tum *subclaviam* dextram cum *carotide* istius lateris, tum sinistram, in descensu *intercastales*, *diaphragmaticas*, *cæliacam*, *mesentericam* superiorem, sub his *emulgentes*, infra has *spermaticas*, *mesentericam* inferiorem, tum *Iliacas* &c.

Animus non est singulos ramos prosequi, id tabulis suis per eleganter præstitit Cl. HALLER., ad quem lectorem remitto. Scopus modo est divisionem rami alicujus in minores, horum fines, & continuationes in venas sistere.

§. XII V.

Omnis arteria sensibilis dividitur in decursu in ramos minores minoresque; donec post varias *anastomoses* partim continentur in venas sui ordinis; rubri in rubros, seriferi in seriferos, & subtiliores in subtiliores; quidam tertii, aut quarti ordinis in ductus secretorios, uti in glandulis, visceribus; quidam terminantur osculis patulis in superficiebus, ubi rorem tenuem exhalant, quo ab attritu, & concretione defendantur, & reficiantur detritæ. Illæ veræ *anastomoses* duplici modo contingunt. 1°. Per vasa lateralialia. 2°. Extremum unius arteriæ continuatur in extremum alterius, ejusmodi infinitas videre est non modo

do in intestinis ; verum etiam in *Perioftio* , liquido tenui colorato impleto , maxime in infantibus innumerabiles omni conceptibili directione observavi in pericranio dura & pia matre membrana *Sneideri* &c.

§. X V.

De Incremento arteriarum quoad numerum & magnitudinem.

Ab ovo ut incipiam 1°. spectatur modo *punctum saliens*, a quo propagines emittuntur, sensim sensimque per novem menses , in utero membra distincta conformantur , donec extra uterum alimentis ore haustis vivere & ulterius increfcere possit. Hæc autem membra constant , fibris , membranis , vasis &c. omnia increfcunt ut corpus ipsum , singula proportionaliter suo toti , alia quidem citius , alia tardius terminum suum adipiscuntur. Quo autem hæc omnia modo , quibus mediis proximis fiant , natura effectrix sibi reservavit. Nonnulli effatum HIPPOCRATIS pro indubitata regula habentes , statuunt omnia membra simul conformari , non successive nasci , sed tantum evolvi. Jure principium hujus regulæ petere licet. Quis concipiet in embryone , seu potius rudimento futuri fœtus , ut puncto vix nudo oculo visibili omnia originetenus adesse , quoad numerum , quæ in infante , aut adulto. Ut sensibilia assumam ; in maxillis recens nati tres modo conspiciuntur *alveoli* , in quibus dentes molares forma pultis mucosi hærent ; in ætatis progressu , quartus & quintus formatur. *Processus spinales* , in fœtu quinque mensium , nulli , sensim prodeunt puncta albicantia , mollia , vix cartilaginea , quæ per ætatem in longa crassa , solida ossa figura , & magnitudine diversa excrescunt. En nova membra nova vasa. Ad hæc magnus HIPPOCRATES non respexisse videtur , dum scribit *L. I. de rat. vi&t. S. 5.* , *Membra autem simul omnia discernuntur & augentur , neque alterum altero prius , neque posterius.* Quæ tamen
C natura

natura majora sunt, minoribus priora conspiciuntur, cum nihilo priora existant. (Hæc salva tanti Viri existimatione in dubium vocare non vereor) Neque vero æquali temporis spatio omnia certo ordine describuntur, verum alia citius alia tardius, (Hæc mea facio) prout quæque ignem & alimentum sortita fuerint: potius, prout usus a CREATORE intentus requirit. Et Lib. C. pag. 305. Victus autem ratione, qua homo nutritur, nutriuntur & incrementum accipiunt. Quæ vero ingrediuntur, ea omnia partes habere necesse est. Nam cujuscunque pars non inerit a principio, nullo unquam modo augeri poterit, neque copioso, neque paucò accedente alimento. Cum non habeat quod incrementum accipiat. Augetur autem quodque in suo loco, quod omnia habet. Hæc ratiocinii severitas naturæ ipsi præjudicare videtur, ac si in re nata nil ad ejus perfectionem, de novo moliri quoad numerum posset. Quum tamen rebus nondum existentibus principium dare possit; videmus saltem membra increfcere, quoad molem, sed unde molis incrementum, nisi a multiplicatione partium? Certe non solius a parenchymatis incremento, verum fibrarum vasorum. Observantur siquidem infinitæ ramificationes vasorum ad extrema usque, principes quidem trunci mole tantum increfcunt, verum rami eo plures, quo longius exporriguntur, ita ut non modo regula HIPPOCRATIS omnia simul nata esse falsa sit, sed illa recentiorum quorundam statuentium eo plura in homine esse vasa, quo is origini prior. Saltem in homine increfcente fateor vasa quam plurima una cum suo fluido, ut & plurima inter se in unum solidum continuum coalescere; ast demonstratum nondum est plura denasci, quam oriri. Nonne ex phytologia eorum assertum refellitur? Quis enim statuet in planta recens e semine emergente, tot vasa ac in procera arbore; uti radices & rami numero & magnitudine increfcunt, sic & in homine intestina evadunt triplo aut quadruplo longiora capaciora adeoque eorum elementa, fibras, & vasa, numero & magnitudine increfcere dicendum est. Quid de superficie externa dicam? hæc vel decuplo in homine bene constituto major est, ac in

re-

recens nato. Jam LEEUWENHOEK supputat 125000 exhalantium æquare granum fabuli, juxta hunc computum in adulto forent 1250000 quod tamen fidem excedere videtur. In assumpto spatio ad minimum tot sunt oscula venarum resorbentium, quæ simul sumpta conficerent 2500000, quod nulla imaginationis vi quis assequetur: par in superficiebus internis ratio. Demus dimidiam partem vasorum coaluisse, restat adhuc concipiendi difficultas. In pulmone res magis evidens. Vesiculæ aëriferæ MALPIGHII in recens nato aere distentæ fere æque magnæ sunt ac in adulto. Moles pulmonum in adulto ad minimum decuplo major, sic & vesicularum numerus, jam, quælibet vesicula est finis ramuli bronchiorum, tot igitur sunt rami, quot vesiculæ illæ, quæ in recens nato deprehenduntur, non simul & semel cum conceptu natæ, sed successive a natura efformantur. Hæc de arteriarum incremento.

§. X V I.

De Actione multiplici arteriarum.

Actiones arteriarum sunt 1°. Fluidum propellere 2°. Illud fluidum in elementa constitutiva separare. 3°. Secernere. 4°. Venis infundere. 5°. Characterem vitalem componendo dividendo imprimere.

Quatuor priora contingunt in locis determinatis; quintum in universo decursu.

§. X V I I.

Arterias contentum vi sua elastica propellere, veteribus ratiocinio, recentioribus experimentis HARVÆI microscopiis motum progressivum versus fines in animali vivo ostendentibus, depletionem spontaneam post mortem, impletionem artificialem; denique a natura determinatis ultra innotuit. Contractio cordis est quidem causa prima impulsiva & propulsiva, ast sine elatere arteriarum sanguis e cor-

de pulsus, ad fines non perveniret, nec ex his in venas ageretur, quum illa vis sanguini a corde communicata in decursu suffocetur, & aggregatum resistantiarum evadat viribus cordis insuperabile. Alia igitur causa propellens accedere debet, nempe ab ipsa arteria, qua omnis resistantia superetur; hæc consistit in elatere membranæ muscularis, quo ultra statum quietis a sanguine impulsio distenta conatur versus axin se contrahere; Quisnam vero sit complexus causarum, quibus cor adeo violente sese contrahat, nondum ex integro perspectum exploratumque habetur. Sequentes, experimentis in brutis vivis institutis observatæ.

1°. Copia sufficiens sanguinis ex sinubus in cor acti.

2°. Integritas nervorum cardiacorum, non modo in substantia cordis, sed & in principio intra cranium & in decursu.

3°. Copia, qualitas, impetus liquidi nervei.

4°. Naturalis cordis ipsius constitutio.

Primum requisitum aliquando in cadavere humano patuit, dum sanguis, compressa vena cava, in ventriculum dextrum cordis pulsus motum resuscitavit; quod magno VESALIO fatali casu contigit. Secundum & tertium videntur confirmare animi deliquia, causa intra cranium hærente post mortem detecta V. G. Sphacelo cerebri, exostosi &c. Mortes subitanæ, ab encephalo contuso, compresso, corrupto. Defectus sanguinis ad illud pulsus, ut liquidum nerveum sufficienti copia non secernatur; enormes sanguinis profusiones; deliquia inde orta videntur potius defectui sanguinis ad caput, quam ad cor adscribenda: quod videntur persuadere venæ sectiones, jacenti ægro institutæ, cætera quæ huc pertinent egregie exposuit FRED. HOFMANNUS T. 3. C. IX. *De virium lapsu & animi deliquiis*. Quartum plurima itidem probant, ut inflammationes cordis, offescentiæ radicum aortæ in senibus.

Hæ causæ a natura partium desumptæ ad explicandam primam causam motricem sufficiunt; ita ut ad alia, flammam vitalem, acidum, alcali, effervescentias &c. confugere
fu-

supervacaneum sit. Quædam interim latent ex allegatis non facile deducendæ, ut sunt motus Systolicus & diastolicus in corde exsecto observatus, Teste VERULAMIO *hist. vitæ & Mortis* P. 559. Scribit auctor fide dignissimus quoad observata *se vidisse cor hominis, qui evisceratus erat (supplicii genere apud nos versus proditores recepto) quod in ignem de more injectum saltabat in altum primo ad sesquipedem, dein gradatim ad minus durante spatio 7. vel 8. minutorum. Conf. Comm. v. SWIETEN supra §. i. BOERH. ubi varia experimenta in animalibus vivis instituta recensentur, ipseque præter hæc quam plurima institui, miros sæpe motus oscillatorios non modo in corde, sed musculis, membranis, deprehendi. Quis horum phænomenon rationem reddet? Quis ætiologiam convulsionum, palpitationum in hæmorrhagiis lethiferis paulo ante mortem? Irritabilitatem compagi a natura inditam agnoscunt recentiores omnes; hoc vocabulo vix clariorem ideam acquirimus, quam spiritu insito HELMONTII in furorem acto. Quidquid sit, principium irritabile partibus fibrosis inesse, illudque vitæ sanæ conservandæ custodem, & læsæ reparandæ immediatam causam esse recte præstantissimi Physiologi, ut FRED. HOFMANNUS & BOERHAVIUS in pluribus locis asseruerunt. In morbis acutis, qui in humoribus consistunt, disponitur ut plurimum certo tempore materies morbi ita, ut fiat subita mutatio morbi in sanitatem vel in mortem. BOERH. *Inst.* §. 931. & §. 932. *Causa talis motus est vis vitæ superstes irritata a materia morbi, variis conditionibus prædita, ut evacuetur, ut transmigret, vel ut occidat. Ubi irritans, ibi irritabile, illud respectu hujus sic dicitur, nemo in sensu absoluto id concipiet. Irritantia, ab omnibus practicis ponuntur, ut BOERH. in aph. 382. N. 8. & 603. 64, 605., quæ sui ablationem indicant. Quandoque hæc irritabilitas requisita deficiens irritantia exigit, uti in quarta classe cardiacorum, ubi fibræ motrices sunt stimulandæ. Inst. BOERH. §. 1096. & 1112. Nimis longum foret omnia loca ex FRED. HOFMANNO, aliisque, ut BAGLIVIO &c. allegare, ad quos B. L. brevitatis ergo relego. Quum cor sit causa**

princeps omnium illorum motuum, unde vires vitales æstimantur, teste BOERH. *Inst.* §. 1095., irritabilitas in eo magna resideat necesse est; in quo vero præcise hæc consistat, natura sibi huc usque reservavit. Uti natura modo, nobis incognito, alimenta in chylum, sanguinem, humores secretorios, succum nutritium convertit, partes attritu deficientes reparat, suum cuique tribuit, sic in morbis, modis sæpe incognitis, nititur expellere latens morbosum, sive morbi causa fuerit sive effectus.

§. XVIII.

Considerandum nunc quid accidit sanguini vi cordis in aortam pulso.

Observatur 1°. Arteriam ultra statum quietis dilatari. 2°. Mox ultra statum quietis se versus axin contrahere; quos motus *Systolen* & *Diastralen* vocant, utraque ex parte naturalis & ex parte violenta. Naturalis quousque arteria ultra statum quietis distenta, contracta aut elongata conatur se restituere in eum statum. Violenta quatenus hunc terminum tam in systole quam diastole, aut elongatione excedit, uti in corde ipso causa violentæ distensionis est sanguis impulsus, contractionis innata irritabilitas, utraque ad motum sanguinis progressivum tam in corde quam arteriis physice necessaria, saltem in iis, quæ nudo oculo conspicuæ. An in minoribus obtineat determinare non ausim.

De elongatione secundum & præter naturam plurima eaque relatu dignissima reperio: miror tam parce apud Physiologos actum esse. Animus erat, de ea sola dissertationem inauguralem conscribere, verum, quum arteriarum actionem, motum sanguinis per ea cognitum supponerem, mutato consilio, princeps in Physiologicis, & Pathologicis objectum amico cuidam exponendum relinquo. Quædam tantum theoremata ad scopum meum facientia hoc loco inferere visum est.

1°. Dum arteria distenditur elongantur arteriæ per membra-

branas decurrentes, contrahuntur, dum illa contrahitur.

2°. Idem fit in receptaculis, ventriculo, intestinis, cystide fellea, vesica, utero &c.

3°. In musculis.

4°. In thorace & abdomine sub respiratione.

5°. Increfcente & decrefcente obesitate.

6°. Varia aëris gravitate.

a. Quo magis elongantur arteriæ, eo magis cavum earum imminuitur.

b. Imminuto arteriarum cavo fluida contenta difficilius moventur, & in anastomosibus obstructions oriuntur, quæ circa statum quietis rursus solvuntur, nisi hoc fieret, quovis momento fierent morbi.

c. Status hic quietis inter systolen & diastolen arteriæ in vivente per duo momenta non permanet; in reliquis intervalla satis notabilia intercedere possunt, uti in ventriculo, vesica, utero &c.

§. XIX.

Vim sanguini a corde expulso impressam minuit fluidi propellendi resistentia, & arteriarum elasticitas imminuta; evadit igitur eo minor, quo longius a corde recedit, & vasculorum teneritudo increfcit, imprimis in visceribus, glandulis, adipe mollitie sua vim pulsanter maxime suffocantibus. Hæc prima pulsus imminuti causa.

§. XX.

Quilibet ramus arteriæ minor est trunco, ex quo oritur; omnes vero ramorum simul sumptorum areæ majores sunt area trunci; sic *coronariæ*, *subclaviæ*, *carotides*, majorem aream coëfficiunt; quam est area *aortæ*; *carotis* externa, & interna majorem ac ipsius *carotidis*. Hoc areæ incrementum in universo arteriarum decursu obtinet a maximis ad minimas, quousque nudo, & armato oculo prosequi datum est. Sanguis igitur fluit ex spatio angustiori in latius, celeritas motus decrefcit, aucta superficie increfcit quoque

quoque resistantia ; quodlibet enim superficiei punctum resistendo agit in moleculam ei applicatam, augetur hæc resistantia a partibus circumpositis in maiorem superficiem agentibus, ut & ipsa pressio aëris externa. Hæc altera pulsus imminuti causa.

§. X X I.

Rami variis angulis ex truncis oriuntur, alii acutis, alii obtusis, alii rectis, omni gradu imaginabili; præterea vix ulli rami per notabile spatium in directum procedunt, sed varie inflectuntur, alii speciem glomeris, alii arcus serpentinos efformant. Aggregatum horum tertiam constituit tarditatis motus in decursu incrementis & pulsus imminuti rationem.

§. X X I I.

Observantur in decursu innumerabiles anastomoses per canales intermedios, sursum, deorsum, in latus directos; quamplurimæ arteriæ, ubi fere evanescere videntur, oppositis concursibus, sibi invicem continuantur, ut possit sanguis ex una in alteram fluere, refluere, prout causa premens extrinsecus applicata in has vel illas fluidum magis urget; id non modo apparet in quavis membrana, liquido colorato impleta, ventriculo, intestinis, pericardio, pia & dura matre, verum quoque in interioribus, ita ut sanguis ex eodem trunco sæpius recedere ad eundem loco inferiori ingredi possit, quod per jucundo spectaculo sæpius contemplatus sum. Hæc quarta motus progressivi & pulsus in decursu remittentis idea.

§. X X I I I.

Aggregatum resistantiarum recensitarum rationem quandam continui usque ad principium seu cor motorem primum habere veteribus ignotum non fuit, licet analysin
per

per media postea inventa instituere non potuerint. Patet id in sanguinis missione revulsoria. *Hæc*, inquit CELSUS *Cap. 10. Lib. 2. proximum enim locum primo exhaurit: ex ulterioribus autem eatenus sanguis sequitur, quatenus emittitur.* Et paulo infra avertitur quoque interdum sanguis, ubi alia parte prorumpens alia emittitur. Eadem confirmant variæ hæmorrhagiæ criticæ apud HIPPOCRATEM, quibus partes remotiores inflammatione detentæ liberantur, nec non omnes sanguinis effectus a BOERHAVIO *Inst. §. 1228.* recensiti. Hac canalium sive arteriarum cum venis continuitate & elementorum sese contingentium, & sic continui rationem efficientium natura quam optime deducuntur.

§. X X I V.

Quid ope microscopiorum detectum sit paucis expediam. In membrana aliformi vespertilionis vegeti, moderate pasti, aëre temperato existente, microscopio versus solem examinata, jucundo spectaculo, apparent motus arteriæ *systolicus* & *diastolicus*, globulorum compressiones reciprocæ, allisiones motus progressivus, retrogradus per anastomoses, subinde in pristinum vas recursus. Hæc omnia eo magis imminuuntur, quo propagines evadunt graciliores, numerosioresque; donec maximam partem dispareant. Quædam observantur continuari in venas sui ordinis, minimæ rubræ in minimas rubras, & sic porro. In hoc arteriæ in venam inflexu, globuli conspiciuntur elongari, in figuram ellipticam mutari, in venis globosam recuperari, nonnulli in partes evanescente rubedine dissilire. Si unum requisitorum deficit, dicta phænomena non ita sunt conspicua. Aliquot horas ante experimentum instituendum, lardum recens, gratissimum, huic animali alimentum, per aliquot horas exhibui (mira pollet facultate illud pingue tam cito in sanguinem rubrum convertendi) imo sub ipso examine, ne turbaretur cordis motus oculos a vividiori lumine de-

D

fendi.

fendi. Si acicula pungitur, aut frigida affunditur, ut ictu fulminis, omnia momento deprehenduntur turbari; nempe fluida velocius quasi impetu novo percellente propelli, dein fisti: ex quo plurima in violentis animi affectibus videntur posse intelligi. Ansam hoc experimentum sub variis conditionibus instituendi præbuit observatum LEEUWENHOEKII a clar. V. SWIETEN in comment. ad aphor. 132. BOERHAVII, allegatum, elegans profecto & scopo meo apprime inserviens; hinc integrum ex eo describere volui; *observavit hic in vespertione fame & frigore languenti, dein parum refecto microscopiis tenuem illam membranam, qua expansa, hoc animal alarum instar utitur, nullum observavit motum nec in arteriis nec in venis, sed post sex horas elapsas, reviviscente magis animali, vidit particulam sanguinis concreti oblongam, totum arteriæ cavum implentem, protrudi per arteriam, mox retropelli; dein protrudi iterum sicque ire & redire hanc viam, donec tandem hoc attritu resoluta massula per ultimas arteriæ angustias transiret in venam. Non potest haberi exemplum magis evidens obstructionis ab adunatione molecularum fluidi natæ, & simul apparet, quomodo vitali motu fluidorum per vasa, & attritu ad latera vasorum, dividatur iterum hoc concretum, & resolvatur obstructio. Efficaciam remediorum diluentium, laxantium &c. ad resolvendas massulas concretas, inde deducit; nec minus ratio cardiacorum pro magna parte hoc experimento innotescere poterit. Vis vitæ est prima causa curans per remedia morbos, quatenus exhibita in actum deducit, ea jacente iners medela Conf. Inst. BOERHAV. §. 929. & 1086. N°. 6°.*

§. X X V.

De sanguinis in sua elementa seu globulos diversæ molis divisione, quum ex huc usque satis intelligi possit, vix dicendum habeo. Consistit modo in diversa capacitate ramorum, diametris globulorum respondentium; in vasis majoribus omnes mixti speciem unius liquidi ad sensum

sum homogenei constituunt. *Conf. Aph. BOERH. 92. & 93. addito comment. V. SWIETEN ad has aphorif.* In vasis minimis res ita sese habet: vas primi ordinis seu arteria minima rubra admittit successive globulos rubros unum post alterum in una serie sese contingentium; nisi ob defectum appulforum detur intercapedo, & cum his subtiliores omnes, quæ ipsis rubris præter usum singularem futurum, loco vehiculi sunt; ex quo multa mala dissipatis subtilioribus intelliguntur. *Conf. Inst. BOERH. §. 746. 766. 768. 772. ad 779.* Arteria secundi ordinis seu serifera minima admittit globulos serofos successive & subtiliores, exclusis rubris, de his cæterum eadem, quæ de rubris dicta sunt. Reliqui humores, cum pellucidi sint, experimentis LEEUWEN-HOEKIANIS non constant, eorum divisiones ex ulteriori vasorum decrefcentium ordine ratiocinio assequimur. Tot videntur esse ordines globulorum, quot sunt vasorum inter minimam rubram & subtilissimam exhalantem, aliamve minimam. Quot vero ordines intercedant, imperscrutabile prorsus est; nulla enim hoc indagandi suppetunt media. De propulsione globulorum per vasa minima sequentia concipiamus.

1º. Non propelluntur eodem situ, verum rotantur mutato indefinenter axi, prout puncta vasis, in quæ impingunt, variæ resistunt, & globuli inæquali soliditate præditi; nam æqualem resistantiam in vasis, & soliditatem in globulis obtinere implicat. Vasa ab ambientibus varia patiuntur, & aer globulis ingenitus, quo elastici sunt, non adeo æqualiter videtur distributus, ita ut, variatis contactuum punctis, alii, alique axes resultent.

2º. Dum hæc fiunt globulus quolibet circulo suo maximo concavum vasis contingit.

3º. Sequitur inde condensatio, attenuatio, attritus, divisio ulterior, quibus passionibus ad secretiones, & nutritiones varias aptitudo inducitur, in qua characterem vitalem consistere ponimus. Fit ita sanguis arteriosus, sive actiones arteriarum passus.

40. In venis rursus commiscentur, divisa ex parte unantur, fit rursus miscela, calore, consistentia diversus, prout parciore, aut largiore secretiones hic sanguis passus est, qui venosus audit.

§. XXV I.

Ex his patet arterias esse vasa secretoria. Quo autem tot diversæ secretiones fiant, tot diversæ secretorum naturæ, nemo huc usque demonstravit. Commenta ex variis molecularum & vasorum figuris nullo certo fundamento innixa non moror, omnes figuræ polygonæ tum regulares quam irregulares sphaeræ inscriptæ per cylindrum, cui sphaera illa inscripta est, transmitti possunt: licet quoque petere principium, quo constet, molecularum polygonia; pone tetaëdram, nonne pungendo continuum erethismum causaret? Si quis me rogat, quare urina fecernatur in renibus per uretheres ad vesicam deferenda? Lac in mammis? Saliva in ore &c.? Respondeo, id commodo situ loci necessitate fieri. Si vero rogat modum ingenue fatebor me plane id ignorare & sic de cæteris. Humores nonnulli falso dicuntur fecerni, ut mucus narium, faucium, primarum viarum, laryngis, asperæ arteriæ, vesicæ tam felleæ, quam urinariæ, cerumen aurium, bilis, semen. Si fecernerentur deberent formatenus sanguini inexistere, quod nemo, nisi ignorans, concedet. Inest istis organis vis mutans, qui potius vasis secretos humores excipientibus, quam fecernentibus inexistit; secretio enim non fit in fine, sed in principio arteriæ secretoriæ, aut nomine mutato, fistula secretoria, uti est pelvis in renibus, & forte nervi in encephalo. Urina, sudor, perspirabile, proprie secernuntur. Fluidum perspirabile videtur esse humor subtilissimi ordinis, caractere vitali, & individuali præditus, ex arteriis exhalantibus, & forte etiam osculis nervorum in superficiebus excretus, cujus usus est superficies humectare, mobiles servare, detritas reficere; *parenchyma* recentiorum eo nutriri probabile est. Humor hic

uti

uti indefinenter excernitur, ita a venis bibulis resorbetur. Si hujus excretio resorptionem excedit, aut, hac abolita, colligitur fluidum sensibile, ut apparet post mortem in quibusdam cavis corporis, intra quasvis superficies cavum aliquod constituentes, ut in abdomine, thorace, calvaria, ventriculis cerebri, circa medullam spinalem; uti aliquoties videre mihi contigit. Varii inde hydropes; si deficit, fit attritus, detritus, & coalitus.

Hæc compendio, quæ §. præposita dixisse sufficiat, pauca subjicere visum est.

De Decremento Arteriarum.

§. XXVII.

Quemadmodum vasorum *incrementum*, de quo supra §. 15. non simultaneè, sed in decursu vitæ contingit, ita & *decrementum*, illud vero ad ætatis consistentis principium, hoc ad ultimum senectutis terminum extenditur. Duplex illud esse, ipsa elementorum constituentium natura evincit, numero quippe, & extensione, illud simplex in unitatum diminutione consistit, hoc in triplici dimensione, nempe longitudine, latitudine, & profunditate. Utrumque omni quidem momento contingit, non vero nisi tractu temporis perceptibile, in aliis citius, in aliis tardius, prout complexus causarum plus minus efficax: omnis enim effectus proportionalis viribus suæ causæ, de quibus mox.

§. XXVIII.

Quanquam *decrementa* hæc, dum fiunt, in homine vivo sensus non incurrant, facta tamen ex mutatione sensibili in decursu vitæ sensibus obvia, cognita vasorum fabrica & usu colligi poterunt, evidentia sui indicia ultra præbent, ob naturalem effectuum cum suis causis nexum. In infante omnia tenera, mollia, succulenta visu & tac-

tu indice ; increfcente ætate increfcit firmitas , durities , refiftentia , elasticitas omnium partium firmarum. Tenera mollities copiam fluidorum per vafa & viscera motorum ; vasorum multitudinem , densam distributionem , ad omne punctum imaginabile corporis , ostendit : nam aucta firmitas , soliditas , persistente eadem fluidorum copia , eodem vasorum numero concipi non potest. Determinamus igitur copiam fluidi esse minorem , & numerum vasorum imminutum.

§. XXIX.

Notum infuper colorem vividum ; & turgescientiam , feu *torofitatem* partium ex fluidis coloratis debita copia , qualitate , & apto impetū pendere. Perfectiffimus cæteris paribus hic vitæ status , verum fugax admodum ; evincente id quotidiana experientia , & poetarum illustrum , mutationes in decurfu vitæ inevitabili neceffitate obvenientes describentium.

Fugit juvenas & verecundus color

Relinquit ossa pellem amicta lurida.

Hor. Lib. Epod. 17.

Forma bonum fragile est quantumque accedit ad annos

Fit minor & spatio carpitur ipsa suo.

OVID. de Art. Aman. 2. 114.

GRAVIUS idem Lib. 14. Fab. 3.

Labitur occiduae pariter declive senectæ

Subruit hoc ævi demoliturque prioris ,

Robora , fletque Milon senior cum spectat inanes

Illos , qui fuerant solidarum more ferarum

Herculeis similes fluidos pendere lacertos

Flet quoque , ut in speculo rugas conspexit aniles

Tyndaris & secum cur sit bisrapta requirit ,

Tempus edax rerum , tuque invidiosa vetustas

Omnia destruitis , vitiataque dentibus ævi

Paulatim lenta consumitis omnia morte.

Ho-

Horum Phænomenon ratio in defectu fluidorum subtilium, & abolitione vasorum quærenda, unde rugæ aniles, color luridus foveæ juxta tempora, mentum, rigiditas, omnium functionum imminutio; dejectio vigoris Martialis roboris Herculei, Veneris languor &c. nisi ab exsiccatione partium firmarum? Cadavera senum incisa vel nudo oculo perlustrata omne dubium de arteriarum decremento tollunt, non modo vasa minima sui generis, verum etiam majora, uno loca transmittentia abolita spectantur, ut quam plurima foramina in calvaria, scapulis, vertebis, ossibus coxarum aliisque. Si hæc omnia conferantur cum cadaveribus juniorum, quanta differentia! quantum omnia mutata a statu felicioris ævi! Horum omnium veteres medici gnari. Majoris momenti sunt illa quæ ope artificialis impletionis deteguntur in membranis Encephali, oculorum, ventriculi, intestinorum, hepatis, pulmonis, in horum substantia interiori, periosteo, tunicis vasorum &c. Dum cadaver infantile, cera subtili colorata, aërtæ aliisve ejus trunco immissa, rite penetratum fuerit, omnes fere partes firmæ ex meris vasculis constare videntur, jucundissimo sane spectaculo. Anastomoses numero & varietate ineffabili, ramos in decursu quavis directione connectentes rete vasorum efformant, firmant, in situ retinent, quod adeo densum apparet, ut intercapedines punctorum instar conspiciantur, cribrum subtilissimum diceres. Longe minora ope, microscopiorum detegimus. Si in cadavere adulti experimentum instituas, rarior vasorum congeries sese conspicui offert, rarissima in senili, in quo vasa minora cujusvis ordinis pro maxima parte in stamina solida impervia coaluere. Abolitis tot canalibus deficit, liquidum subtile, humidum radicale veterum; quorum defectu partes exsiccantur, nonnullæ fere evanescunt, uti glandulæ salivales, Meseraicæ &c. Mentum acuminatur, apparent foveæ sub illo, juxta tempora, abdomen gracilescit, inguina, scrotum ipsum contrahitur. Deficientibus vitæ vegetioris causis, vita ipsa imminuitur, sen-

sim

sim sensimque, donec resistentiis superandis impar red-
 dita fatefcat. Vocatur id *mors naturalis*, *fatum senile* nullo
 naturæ artisve molimine, nisi mors præmatura descrip-
 tam causarum seriem intercipiat, evitabile. Nulla me-
 dicamentorum efficacia coaliti canales rursus pervii red-
 duntur. *Vanissimæ autem jactantiæ, nulla vera ratione nec ex-*
perimentorum fide, firma promissa sunt, quæ hunc scopum
commendantur: sc. usus Entis primi Cedrini Helmontiani; eli-
irus propr. Paracelsi, Tincturæ Physicorum, adeptis laudatæ,
Entis primi ex metallis fossilibus, animalibus, vegetantibus;
Purgationes repetitæ per Hellebori nigri folia, spiritus sulphu-
ris per Campanam, spiritus florum roris marini, virtutis at-
trahentis spiritus ex sano corpore juvenis ut in Artephio; ani-
malium longævorum, aut sæpe iterum renovantium partes, si-
gillatorum planetarum vitam producentium. Instit. BOERH.
 §. 1065. *Fatum* hoc non solum omnes homines, juxta
 naturæ leges, & conditionem partium, verum omnia
 viventia tam terrestria, quam marina, quin plantæ ipsæ
 experiuntur, neque homini semper ex longa annorum
 serie, sed causarum præsentium efficacia obvenit, omnis
 ætas longis morbis fatalem vasorum coalitum contrahe-
 re, & contabescere potest. Conf. LANCIS. *de mortibus*
subitaneis. Observationes interim docuere *fatum*: illud in
 aliis retardari, accelerari in aliis, idque vel nativa tem-
 perie, vel usu rerum non naturalium, vel utrisque. Conf.
 Inst. BOERH. §. 558. No. 1. & §. 1053. ad §. 1065.
 Bona corporis constitutio, salubritas loci, victus, mode-
 ratum corporis exercitium, mens tranquilla, justa ex-
 cretorum & retentorum ratio, vitam longævam promit-
 tunt; contraria mortem accelerant. Conf. BACON. V E-
 RUL. *de vita & morte.* HIPPOCRAT. *de salubr. vict. de*
aq. aer. & loc. Homo viribus universi expositus, ut ut
 sanitatis studiosus sit, omnes causas salubres sibi applica-
 re, insalubres evitare penes eum non est, alios impro-
 visum gaudium e medio sustulit, alios enormis terror
 perpetuos lentæ mortis causas posuit, & sic de cæteris.
 Alios luxuries, alios Mars interemit; hic multos, illa
 longe

longe plures, hic vitam vulnere terminat, illa languorem in filios, & nepotes propagat; inde sæpe marasmi juveniles, rachitides &c. Intempestiva Venus effœtum senectutis tradit corpus.

§. XXX.

Arterias, quoad substantiam, decursu vitæ imminui non minus in confesso est, ac canales minores aboleri. Coalitis hisce canalibus, membranis vasorum majorum percurrentibus, ipsorum vasorum capacitatem diminui, necesse est. Ipsæ fibræ, prima solidorum stamina, defectu elementi aquei contrahuntur, contractis hisce, vasa ad axin accedunt, ipsa vasorum observatio in cadavere senili id evincit. Longe major diameter aörtæ, & ramorum ejus in cadaveribus juvenilibus vegetis, diuturno morbo non exsiccatis reperitur, ac in senilibus. Contrarium in vena cava, & ramis majoribus, quæ, urgenti, & inertis sanguine magis, magisque extenditur; in minoribus idem, quod in arteriis contingit, non vero vi propria, verum defectu liquidi ab arteriis allati, & pressione externa, cui minus ac arteriæ resistunt. Defectum liquidi arterias quoque concreescere, ostendit soliditas umbilicalium, canalis arteriosi sanguinem in fœtu ex arteriæ pulmonalis trunco aörtæ infundentis. Nulla alia hujus coalitus & contractionis causa, quam defectus liquidi, & pressio externa in canalibus jam recensitis, illa concretio lente fit, per gradus magis magisque superficies concava ad axin accedit. In cadavere infantis unius anni inflammatione intestinorum extincti hæc vasa ut & venam umbilicalem adhuc sanguinem continere, & pervia esse videre mihi contigit hyeme prægressa.

§. XXXI.

Decrementum vasorum, quoad longitudinem, ex huc usque dictis satis evidens & demonstratum existimo, omnes enim arteriæ, dum contrahuntur ad axin, vasa mem-

E

bra.

branas per currentia proportionaliter in longitudine decrescunt, omnes fibræ defectu fluidi contrahuntur in omni dimensione, adeoque partes inde compositæ, ne ossibus exceptis. Idem contingit, ac in ligno recens cæso, aut gleba terræ humidæ, crassitie, & longitudine insigniter decrescente. Elegans experimentum institues in sceleto infantis cum ligamentis, dum exsiccatur; eâ proportionem, qua ad stateram levior fit, moles omnium partium in omni dimensione diminuitur. In osse femoris ætatis consistentis observavi illud ad $\frac{1}{40}$ fui brevius redditum, in senio simile quid contingere statuimus; sic CORNELIUS GALLUS in persona senili, cujus verba coronidis loco apponere visum est.

*Hæ sunt primitiæ mortis his partibus ætas
 Defluit & pigris gressibus ima petit.
 Non habitus, non ipse color, non gressus euntis,
 Non species eadem, quæ fuit ante, manet.
 Labitur ex humeris, demisso corpore, vestis
 Quæque brevis fuerat, jam modo longa mihi est
 Contrahimur, miroque modo decrescimus ipsi:
 Diminui nostri corporis ossa putes.
 Nec cælum spectare licet: sed prona senectus
 Terram, e qua genita est, & reditura videt.
 Fitque tripes, prorsus quadrupes, ut parvulus infans,
 Et per sordentem flebile serpit humum.
 Ortus cuncta suos repetunt, matremque requirunt,
 Et redit ad nihilum, quod fuit ante nihil.
 Hinc est, quod baculo incumbens ruitura senectus,
 Assiduo pigram verberare pulsat humum.
 Et numerosa movens certo vestigia passu
 Talia rugato creditur ore loqui.
 Suscipe me genitrix, nati miserere laborum,
 Membra velis gremio fessa fovere tuo.*

F I N I S.

H O.

H O N O R I E T M E R I T I S.
D O C T I S S I M I. E X P E R T I S S I M I
V I R I.
J U V E N I S.
J O A N N I S. H I D D I N G A.

Quum post publicam Dissertationis suæ de *Vi & effectu Arteriarum in fluida contenta* defensionem omnium applausu verum *Doctoris Nomen* adipisceretur.

S A C R U M.

*Fingunt se Medicos omnes, Idiota, Sacerdos,
Judæus, Monachus, Histrion, Rasor, Anus.*

Nil plus quam Medicos quamvis natura ministret,
Attamen hæc pauci nomina rite gerunt.
Est etenim cunctis, ut censent, cognita quædam
Virtus, quæ miseros, ut panacea, juvat:
Sunt, qui se jactant occultum vellere cancrum;
Dogmaticos ipsos tollere quemque latet.
Sunt, qui se jactant caussam curare podagræ,
Promittuntque sua dulce levamen ope.
Sunt, qui se jactant febres arcere malignas;
Omnes arcanum nilque timere jubent.
Clamantes alii veniunt genus omne malorum
Auxilio sese posse fugare suo.

Hos, dum sic jactant, Medicos damnantque peritos,
Facta nec audacter tollere ad astra pudet.
Non hi, sed merito tales hoc nomine digni
Sunt, quibus emicuit cognita causa mali:
Assiduis cunctos studiis qui pellere morbos
Incumbunt semper, si datur ulla fides:
Nil qui præscribunt, quam quod ratione probatur,
Hoc licet haud profit, quando nocere nequit.
Splendidus hic nutrit Juvenes præbetque Lycæus
Tales, perpetua qui probitate micant.
Nec minimam laudem quos inter jure meretur,
Qui mihi fraterno more fidelis erat.
Hæc Tibi grata dies reddit gratumque triumphum,
Ut victor tandem læta trophæa geris.
Accipias igitur dignum Doctoris honorem;
Nomina dum merito, JANE, decora capis.
Omnipotens faveat cœptis Moderator Olympi;
Et fugiant morbi, Te veniente, precor.
Quod Danaïs quondam Chiron fuit atque Machaon;
Hoc Tu sis Batavis tempus in omne decus.
Gloria per totum tua sic dispergitur orbem,
Nec non post mortem fama perennis erit.

ENGELBERTUS VANDER SLUYS.

Medicinæ Doctor.

L. H. M.

L. H. M.

PERITISSIMI. DEXTERRIMI.

V I R I.

J U V E N I S.

J A N I. H I D D I N G A.

Quum publico ac solenni ritu , post habitam strenueque
-defensam de *Vi & effectu arteriarum in fluida*
contenta dissertationem , MEDICINÆ Doc-
TORIS ordinem auspicaretur.

Hic ver assiduum, atque alienis mensibus æstas.

Temporis fluxu comitata longo
Musa solennes elegis triumphos,
(Seu piæ laurus THEMIDOS Alumnis
Parta vibretur;

Seu Idumææ celebris GALENI
Castra sectantes opulenta palmæ,
Vel comas ultrò redolentis Hyblæ
Frondebis ornent;)

Barbiton pulsat, triademque plectro
Nunc Amicorum fociare lectam
Sapphico gestit, meditata summas
Tollere laudes

Quæis inextinctis genii sagacis
Dotibus, rara pietate macti,
Lumen, ac sydus MEDICES opimæ
JANE, refulges,

Seduloque artis veneranda PHOEBI
Jura conatu cupiens, inultis
Scandis optati gradibus supremum
Culmen honoris;

Quem Tibi, cursu studii peracto,
Rite gratari, nitidumque factis
Cum bono claris memorare nomen
Omine nitar,

Ilias raucæ modulos Deorum,
Nil neque immensus numerus Dearum
Structaque elato citharæ cothurno
Verba juvabunt:

Frigus at brumæ glaciale quamvis
Herbidi radat decus omne campi
Prataque hyberno tepeant pruinæ
Condita velo;

Nec ferat tellus humiles myricas,
Vel seges latum polyanthemoque,
Cyanis, flavo, variisve pingat
Floribus arvum;

Hesperis culto radiënt, nec auram
Lilium, bellis, violæ, thymumque,
Vel rosæ fundant, hyacinthus, horto,
Myrtus amoenam;

Nec

Nec beēt fylvas philomela cantu
Frondeas grato, refonoque jugis
Najadum lætas agitet choreas
Unda fufurro;

Haud tamen fævis hederam procellis
Sternit intortam; vegetumque paffim
Horrido flatu boreas adurit
Tegmen olivæ:

Insuper noſtræ riguum Camoenæ
Rore virtutum vitreo tuarum
Atque doctrinæ rutilum pateſcit
Sole viretum;

Scriptaque, ingentes monitura quemvis
Strenui vires animi, fuadæ
Plena mellitæ, ſpecioſa texunt
Serta capillis,

Et theſis, pingui tumidæ medullâ
Quæ gerit venæ monimenta veſtræ,
Evehit ritum, decoratqne celfis
Acta tropæis.

Scandali quid me prohiberet ergò,
Quo minus fixis meritis ovanti
Jubilum gaudens moduler ſoluto
Peſtine feſtum?

Nil, niſi metri gravitas reſumti
Leſbii, cujus tepido fragore
Dona ne curtem, vereor, ſtupendæ
Grandia mentis.

Auget

Auget arreptum magis ac timorem
Indolis stringit probitas modestæ
Qua mihi semper placido fuisti
Obvius usu.

Hinc tuæ laudi, GENEROSE, dispar
Res celebrandas aliis remittam,
Queis hyantæo fatius liquore
Ora madescunt.

Obsequens verò socio perennis
Foederi cultu fidei corusco,
Tesseram cordis volui ferenam
Condere puri,

Cujus enixè stimulo citatus,
Ut tibi vergant, maneant, & usque
Fausta felicitis cumulentur, oro,
Commoda vitæ.

J. L. U. BOREEL HOFMAN, SURINAM.
S. S. Theol. Stud. Paranymp.

Dabam ex Musæo
Lugd. in Batavis
Quarto Kal. Mar-
tias MDCC LIII.

V I R O

NOBILISSIMO DOCTISSIMO.

JANO. HIDDINGÆ.

Doctorem Lauream ambiendi.

UT DESINT VIRES, TAMEN EST LAUDANDA VOLUNTAS.

Eloquium veri certâ ratione probatum;
 Cur mihi conciliem, condita signa docent.
 Nam licet invideant Heliconia Numina nostris
 Ausibus, & graviter metrica vena fluat,
 Nec tamen, assiduò convictus Symbola grati
 CANDIDE, fixa Tibi, Musa negare queat,
 Adspicias, capiasque manu, vultuque sereno,
 Quæ Tibi dat fidum pectus amore pio!
 Atque tuas laudes series lectissima Vatum
 Quum numeris summas, quæ celebrabit, adest
 Quævis, (ut hos comiter) cedant Tibi prospera vitæ,
 Fataque post, cœli regna beata, precor.

LUDOVICUS, JACOBUS, FABRITIUS.

S. S. Th. St. Gedanensis. Paranymp.

NOBILISSIMO ATQUE ERUDITISSIMO

OMNIBUS VOCI ORATIONI

JAN OCHIDDINGA,

Quum summos in Medicina honores adipisceretur.

„ Quam pulchrum est digitis monstrari, & dicier, Hic est
Gloria Phoebi.

Hic est, Pierii studiis quem montis Alumnæ

Excoluere:

En hic, qui tetigit felix a carcere metam

Fertque βραβεία.

De quo Mæonius suppletus numine vates

Ore decoro;

„ Ἰατρός γὰρ ἀνὴρ πολλῶν ἀντάξι' ἄλλων

Dixit Homerus.

Eia age! sic resonant de te stellantis Olympi

Templa superna;

Hæc referunt valles, ferientes sidera Coeli

Vertice montes;

Hæc hilari sylvæ reboant & murmure rivi,

Dulcis amice.

Accipe, quos semper tribuit virtutis alumnis

Pallas honores;

„ Dicque: Triumphales circum mea tempora lauri

Ite virentes.

Felix! cui fas est, decus immortale GALENI

Vivere tecum,

Cui

Cui datur atque fide conjuncto pectore, dextram
Jungere dextræ!
Gratulor hisce mihi memori quæ semper & albo
Pectore vivent.
Quam vellem merito sublimi dicere lætus
Carmine laudes!
Sed quid ego? minimis non est hoc viribus æquum,
Parcito nobis:
Te laudes superare meas tua scripta probarunt
Posteritati.
Jam jam tempus adest, lauro remeato Penates
Tempora cinctus,
Atque Machaoniis indutus fortiter armis
Pellito morbos:
Ancipitem fragilemque Charontis frangito cymbam
Tartara terrens:
Auxiliare tuis moribundis, arteque sanam
Reddito vitam.
Sic tibi posteritas nomen famamque parabit
Non perituram.
Accipias tandem niveo quæ pectore fundo
Vota precesque:
Tot tibi fausta precor, quot Martia monstra ferarum
Daunia nutrit;
Quot cineres unquam Romanos tempore prisco
Condidit urna;
Quot graciles hominum fragilis vel Cymba Charontis
Trajicit umbras.
Vade, diu valeas, vivas per Nestoris annos.
Chare sodalis.

Lugd. Batav.
26. Februar.
MDCCCLIII.

CHRISTIANUS VAN JUCHEM.
AMST. BATAV. *Med. Stud.*

I N G E N I O S O
J U V E N I
J A N O H I D D I N G A E ,

Cum laureis Doctoralibus ornaretur

*Offero dicta lyris DOCTO tibi , mente manuque ,
Dum mactas PHOEBI munera prima focus.*

Plaudite Pierides, nemorosæ ludite Nymphæ,
Ludite vos Dryades Nereidumque chori.
Carmina ferte lyris. HIDDINGÆ summus Apollo
Doctoris Medici pallia ferre dedit.
Doctus Apollineas aedes qui laude subivit
Qui Phoebi dixit tempora sacra focus.
Quem doctum fertis ornavit Phoebus, Apollo
Pallia dat Medici ferre, Melampus amat.
Vos laudate Deæ, citharis Heliconia Phœbi
Docta cohors, Musæ condecorate virum.
Quem citharæ nervi, quem non Rodopeia plectra
Filaque non chelydos tollere rite queunt.
Nectite festa, lyris vos ludite, ducite honores
Mactatos, festas has celebrate dies.

Nunc

Nunc studiis video finem posuisse, Camoenae
Applaudant, dicit fausta, Thalia, tibi.
Delius ipse stupet Phoebus, stupefactus Apollo
Delphicus, hic nobis non minor, inquit, erit.
Jam te fama, vocat, sequitur te gloria magna
Sic tua facta decus, sic comitatur honor.
Pergito fama volans super aethera vasta nitebit.
Dum tua splendebunt nomina fixa polis.
Sic omnes superi: plectris Heliconis Alumnae
Quae Phoebus dixit, dicta probare suis.
Gratulor interdum Phoebos te sacra litasse,
Gratulor Hippocratis sacrificasse focus.
Ut tibi victus Apollo jacet, Phoebos palaestra;
Proelia nunc VENERIS vincere disce Deae.
Moenia jam Cypridos tibi sunt vincenda beatae,
Munera sunt VENERI sacra ferenda tibi.
Non opus est armis, sed verbis, ense Gradivi
Nunquam, Mavortis victa sed ore Venus.
Ast scio, diva Venus meritorum est conscia, blando
Protinus ore tuo victa puella jacet.
Caetera quem fugiunt. Martis non Proelia legit
Et Veneris molli proelia facta toro.
Parcarum sine nube dies, & stamina longo
Numina promittunt non peritura tibi.
Pars dolet ah animae! dum nervea fila secantur
Foederis, o dirum! charus amicus abit.
Ut fuit Oebaliis concordia fratribus una
Es mihi tu Pollux, Castor ut alter ero.

Ut fuit Heroum laudi concordia fratrum,
Es mihi tu Patroclus, Theſſalus alter ero.
ſic taceo, dum Muſa tacet, poſuitque Camoena
Plectra, tibi dico vive valeque diu.

Pauca, quae plectris ceciniffe noſtris
In dies feſtas potui, coacta
Verba, quamquam teſſera vera mentis
Accipe noſtrae.

P. M. KETEL, MED. STUD.
Rotterod. Batavus.